



Mozioa:

Iocus Basque SL establezimenduaren jarduera mugatzeko eta hala badagokio ixteko neurriak har ditzan Eusko Jaurlaritzari eskaera

Zumalakarregi kaleko bizilagunek idatzi bat aurkeztu zuten 2022ko azaroaren 10ean, **Iocus Basque SL** lokalera joaten diren hainbat pertsonen sortzen duten segurtasun falta salatzen. Kale horretan etengabeko bandalismoa eta borrokak daudela adierazi zuten, eta horren ondorioz, Ertzaintzak sarritan esku hartzen zuela.

Laguntza eskatu eta arazoari irtenbidea ematea eskatu zion udalari, istilu horiek gero eta handiagoak zirelako eta neurri egokiak hartzea eskatu ziguten, zerbait larriagoa eragin ez zezaten. Udaltzainburuak 2022ko azaroaren 8an egindako txostenean espreski azaltzen zuen azkeneko urteetan eta bereziki azkeneko hilabeteetan errepikatuak izan direla joko-areto honen barruan zein atarian eta inguruetan emandako bezeroen arteko eta lokaleko langileen arteko liskarrak eta borrokak. Modu berean, ugariak izan dira Tolosako herritarrek egin dituzten salaketak lokal honetako ohiko bezeroek sortzen dituzten arazoak direla eta.

Hori kontuan hartuta, hainbat neurri ezarri ziren, egoerari aurre egiteko:

1. Azarotik hona ia 200 interbentzio egin dira, Udaltzaingoa eta Ertzaintzarekin batera, lokalera sartu eta bertakoei identifikazioa eskatuz, lokalean sartzeko baimena ote zuten ala ez konprobatuz, adin txikiko pertsonen kontrola eginez....
2. Modu berean, joko-aretoa kokatuta dagoen kalean kamerak jarri ditu udalak, lokal honen ingurumarietan kontrol zorrotzagoa egin ahal izateko.
3. Establezimendu honi Hirigintza sailetik emandako jarduerarako baimena betetzen den ala ez jakiteko inspektzio zorrotzak egin dira lokalean bertan, araudia hausten duen ala ez jakiteko.
4. Eusko Jaurlaritzako Gipuzkoako Lurraldeko Joko eta Ikuskizunen Bulegoari eskatu zaio ofizioz ebatzi dezala Iocus Basque SL establezimenduari segurtasun pribatuko zerbitzu bat ezartzea, dagoen arriskua edo kalteberatasuna kontuan hartuta (17/2019 DEKRETUA, otsailaren 5ekoa, jendaurreko ikuskizunen eta jolas jardueren Legea garatzeko Erregelamendua onartzen duena, bere 66. artikularen 2. apartatuan oinarrituta). Aipatutako Sail honekin kontaktuan jarrita, adierazi digute proposamena jadanik Ertzaintzaren Zuzendaritzan dagoela, eta hark aurki ebatziko duela

Dena den, eta goian esan dugun moduan, neurri guzti hauek hartuta ere, ia 200 inspektzio egin dira lokal horretan azarotik hona, eta hainbat aldiz bertaratu dira udaltzaingoaren eta Ertzaintzaren patruilak aretoan sortutako arazoei konponbide eta erantzun azkarra emateko, eta halaxe egiten jarraituko du, baina oraingo honetan baieztatu daiteke denboran luzatzen ari den eta egunero errepikatzen ari den eta herritarren segurtasuna gutxien duen egoera baten aurrean gaudela. Udalaren



eskumenetik egin zitekeen guztia egin duela ulertzen du udalbatza honek, eta konponbidea jadanik beste erakunde eta arduradun batzuen esku dagoela uste du.

Hori dela-eta, udalbatza honek aho batez hauxe eskatzen dio Eusko Jaurlaritzako Segurtasun Sailari: **legeak ahalbideratzen dizkion baliabide guztiak erabili ditzala lokal honen jarduera galarazi eta lokal bera ixteko dagokion prozedura burutu ondoren. Horretarako, udalbatza hau zein bizilagunak bidelagun izango ditu.**

Amaitzeko, aho batez onartutako mozio hau Iocus Basque SL joko-aretoko jabe, arduradun eta bizilaguneei ere jakinaraztea onartzen da.

Tolosa, 2023ko maiatzaren 24a.

EAJ-PNV

Olatz Peon Ormazabal

EH Bildu

Ander Figuerido Zubiria

PSE-PSOE

Jose Mari Villanueva Telleria